



Nuuk, 13. april 2015

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqut imaattoq saqqummiuppara:

**Naalakkersuisunut apeqqutit:**

1. **Uummannatoqqami Amerika-miut eqqagarsuinik saliisimanermut atatillugu 2011-mi isumaqtigiissutit august 2013-imni allanngortinneqarnera, taamanikkut Naalakkesuisuusuniit akuerineqarsimasoq dansit Naalakkersuisuunut isumaqtiginniniutigineqaqqissimava?**
2. **Qulaani saliinermut tunngatillugu suliamut atasumik malitseqartitsisussanik nakkutilliisut imminnut atorunnaarsinneqarsimancerat Naalakkersuisunit akuerineqarsimava? Aamma 2011-mi isumaqtigiissummut tamanna naapertuuppa?**
3. **Saliisimanerup naammassineqarneranut atatillugu Naalakkersuisunit qulakkeerneqarsimava ilumut pinngortitamut avatangiisinullu seerisunik mingutsitsisoqannginnersoq?**
4. **Uummannatoqqami saliinermut atatillugu akissummi 17. Februar-imeersumi immikkoortoq 2-mut tunngatillugu misissueqqissaarnerit inernerinik naliliisimaneq qanoq ippa?**
5. **Nunaminertamik EU-mut eqqusseqqusaannginnersmik aalajangersagaq immikkorluinnaq ittumik sanioqqunneqarsinnaaneranut periarfissaqartitsinngila?**
6. **Umiarsuit takornariartaatit ukiumut qanoq amerlatigisut nunatta sineriaanut tikittarpat?**
7. **Taakkunannga nakkutilliineq qanoq ingerlanneqartarpa?**
8. **Umiarsuarujussuaq takornariartaat ataaseq agguaqatigiisillugu nunatta eqqaaniinnermini pinngortitamut avatangiisinullu qanoq atsigisumik minguttsisarnersoq naatsorsorneqarsimavaa?**

9. **Ilulissat kangerluani aqutsinermut pilersaarutip nutarterneqarneranut atatillugu kangerluup ilaani snescooterinik angalasarneq inerteqqutigineqarniarpaa?**

(Inatsisartunut Ilaasortaq Anthon Frederiksen, Partii Naleraq)

**Tunngavilersuut:**

Uummannatoqqami saliisimanermut tunngatillugu 9. Februar 2015-imi apeqquteqaatinngut tunngatillugu paasissutissat naammaginnnginnakkit apeqqutit qulaaniittut ingerlateqqippakka, minnerunngitsumik pinngortitamut avatangiisinut aamma uumassusillit assigiinngitsut illersorneqarnissaat qulakteerumallugu.

Taamatut aamma takornariartaatit assigiinngitsut nunatta eqqaani angalasarut pinngortitamik avatangiisinillu minguttsisarnerisa qanoq annertutiginerat ilanngullugu Partii Naleqqamiit paaserusupparput, tassa naluneqanngitsumik nunatta sineriaani imaani aalisakkat piniakkallu inuussutissarsiornitsinni assorujussuaq pingaaruteqarmata, taakkualu sapinngisamik mingutsinneqannginnissaat illersorneqartariaqarmat.

Suliffiit ullut qulit qaangiutinnginneranni akineqarnissara kissaatigaara.